

Zhoonyaa Dibaam'jigewin 2024: Dibizhigewinan

Dibizhige'winan zhiwe Zhoonyaa Dibaam'jigewin 2024: Wii Nishin'ig gonda Waa Bi Yaajig

Ooshmi Wenpan'kin Waa Daang

- Shka'ii *Public Lands for Homes Plan* waa nakaazang wii baak'na'ming Niizhing nching shi ngodwaag nching, shi ngodwaag nching shi naan'midna shi ngodwaag nching (250,000) pii Niizhing mdaaswaag shi nsamdana shi bezhig biboongad zhiwe emzhishwaag akiing. Na'ye gegwa ninda aawinooon, Mizinigan epang'jibdeg akiinhsan, Gina'wen'jigewin akiinhsan, miinwaa nokii gamigooon.
- Zhitoong oosh'mi gwew'we aach'kinigan'an, we'wiip, miinwaa ooshmi mdaaswaag shi naanan ching minig shi ngodwaag, shi mdaaswaag, shi mdaaswaag, shi mdaaswaag nching shi mdaaswaag (15 billion)owe we'we zhoonyaa wii nakaaz'ang zhiwe Apartment Construction Loan Program, wii ni zhich'gaadeg ooshmi ngodwaag shi nsamdana shi bezhig mdaaswaag, shi mdaaswaag, shi mdaaswaag nching shki wiigwaaman piinish 2031-32.
- Maajjib'de'chigaadeg Canada Builds, Team Canada zhichge'win wii zhige'ing e'de'kshkitchigaadeg wiigwaaman giw'we now'go'ying ezh'gaab'widjig zhiwe gaawii enkaas'sii'wang akiing zhinda kitchi akiing. Canada Builds di'gwa'naan e'dibas'bii'gaadeg owe federal we'we'win maam'wi provincial miinwaa ezhi dibaam'da'kweng gitigaaning enj'baang waa'zhi maawn'ji'chi'geng we'weni wii zhi'chi'gaa'deg wew'we wiig'waam'an.
- Miig'weng Niiwaag shi ngodwaag ching, shi ngodwaag ching, shi ngodwaag ching shi ngodwaag nching (400 million) wii aan'ken'ming owe Niiwi shi ngodwaag nching, shi ngodwaag nching, shi ngodwaag nching (4 billion)Housing Accelerator Fund, owe zhaazhi e'we'wiip'shkaam'gak owe zhigewin ooshmi zhichi'gaadeg Niizh'waas'we shi naan'mid'na shi ngodwaag nching (750,000) shki wiigwaaman maanda ani mndaaswe biboongag wii ani'aa'wang nji ninda gii zhich'gaa'deg Ngodwaag shi niizhwaaswe shi zhaangswi deb'wew'inan oode'nwising, endsa bebezhig ezhgaab'wi'ying zhinda mzoowe Kinadaa miinwaa oodi Kitchi Giiwediong.
- Maa'jii'b'de'chigaadeg shki Ngodwaag shi Naanan ngodwaag nching, shi ngodwaag nching, shi ngodwaag nching, shi ngodwaag nching (15 billion) Canada Rental Protection Fund wii negaachtoong miinwaa wii maajii'ging minig etemgak e'de'ksh kitchi'gaadeg wiigwaaman maanpii Kina Daa.
- Miig'weng Ngodwaag nching shi ngodwaag ching shi ngodwaag nching(1 billion) wii aan'ken'ming owe Niiwi shi ngodwaag nching, shi ngodwaag nching, shi ngodwaag nching zhiwe Affordable Housing Fund wii zhich'gaadeg e'de'kshkitchigaadeg wiigwaaman miinwaa maa'jjib'de'chi'gaadeg pane go wani teg Rapid Housing Stream wii ani'aabiji'bideg miinwaa wii nishing weweni niuwe nswi zhaazhi gaa mib'de'gin Rapid Housing Initiative.
- Zgak'ni'gewin aan'kaach Ngodwaak'shi nswi nching shi ngodwaag nching, shi ngodwaag nching, shi ngodwaag nching, shi ngodwaag nching (1.3 billion) zhiwe *Reaching Home: Canada's Homelessness Strategy* wii miik'ma'waat giw'ziwin miinwaa gbeshii'kaanan.
- Gizhiib'de'toong zhigewin miinwaa shpa'a'chi'gaadeg wiig'waami bigid'ni'ge'win zhise'win chigaadeg dash zhiwe Ngodwaas'we shi ngodwaag nching, shi ngodwaag nching, shi ngodwaag nching (6 billion) piinish go mdaaswe biboongag zhinda shki Canada Housing Infrastructure Fund.

- Naasaab zhisdoong ga'ye meg'wenh ezhi nsidwaab'jige'win zhinda zhige'wining miinwaa zhichi'gaadeg noonch gegoo nakii'win miinwaa wii kinoomaading waa zhi ngach'toong zhige'win mii dash ooshmi ji zhige'waad.
- Nakiit'mang wii ani ngo'naagwag maanda mne'aag wiig'waam'an zhiwe Anishinaabe ooden'wi'sing wiindmaagewin dash temgad gii'wenh Zhaangswaag shi mdaaswi shi nshwaaswi shi mdaaswi nching, shi mdaaswi nching, shi mdaaswi nching, shi mdaaswi nching minig wii sawen'gaa'deg naani baboon minig Anishinaabeg nji, Kitchi Giiwedining Eyaadjiig, Aabtoo'ziinh'yig miinwaa oodenwising waa zhi naabiis'jigeng.
- Wii meskwaam doo'weng zhiwe Kina Daa Kinoomaadii'gamigon wii zhi'too'waad gonda ekinoo'maawg'zidjig waa daa waad miinwaa daap'nam'wind'waa maanda GST zhinda shki gbeshii gamigon.
- Aan'ken'ming maanda Home Buyers' Plan aanke'sdoong minig ge daap'ni'gaadeg gnimaa nsamdana shi naanan mdaaswaag nching shi ngodwaag piinish ngodwaaswaag shi mdaaswaag nching shi ngodwaag wii naad'moo'wind'waa shki ntam wiig'waam eyang'gik wiina'kaaz'waat tax benefits maanda RRSP wii maawn'ji'too'waad Niizhtana shi naanan mdaaswag nching shi ngodwaag wii nsoo'doo'waad we'wiip ooshmi.
- Wii naad'moo'windwaa noonch eshki bimaadzidjig wii de 'kshkit'toowaad mortgage ezhi nikaadeg zongtoowaad maanda Canadian Mortgage Charter wii zhisem'gag nsamdana biboongag minig wii zhiseg ezhi daawng'geng wii ani noondaash zhisemgag ezhi daawng'geng wii yaam'ing maanda shki wiig'waam.
- Naa'biis'doong shki Canadian Renters' Bill of Rights wii'gaa'wit'wind'waa gonda kitchi aking KinaDaa kina eshi bebkaan'gaa'wi'ying miinwaa oodi Kitchi Giiwedining eyaajig wii wek'wend ming daawn'geng en'daang nishin gaab'wiim'gag miinwaa mnadendmowing temgag kina goji.

Niis'naming Engen'deg Ensa Giizhgag

- Zgak'ni'gewin wii naawk'nigaadeg ooshmi binoojiinh naag'da'wenjige'win kina go KinaDaa wii kinoo'maa'ji'gaa'waad ooshmi wiiba binoojiinhyig miinwaa wii wenpangendeg mdaas'waa'big ensa giizhgag.
- Maajii'web'nigaadeg shki Canada Disability Benefit wii naadmaagem'gag zhinda endsa bebezhiig ezhaab'wi'ying zhinda mzoowe Kinadaa miinwaa oodi Kitchi Giiwedining wii naad'moo'wind'waa wii giik'nam'wind'waa ooshmi ngodwaaswaag shi mdaas'waag nching minig giuwe edi nakijig gegoo dash wiigwaa bangii e'de'gshkit'maas'gwaa.
- Zhichigaadeg shki National School Food Program wii mchaa'toowaad owe megwaa etemgag miijim wii sham'dwaa binoojiinhyig wenjishing miijim ooshmi Niiwaag shi ngodwaag shi mdaaswaag nchiwaad binoojiinhyig ensa biboon..
- Daap'na'ming shki tkokii'win wii maach'taang zhitoong mzoowe mshki'ki naag'doo'wenji'ge'win, jiwii kshkitchigaadeg niibina owe mshkiki mshkikiinini, maage mshkikii kwe emji'dwe'ti'maaged miinwaa ziiz'baak'daap'nawin mshkiki.
- Aabiji taang go wii niis'na'ming wii naazh'gin'deg miijim, miinwaa wii da zhich'geng noonch gegoo waa zhi naad'moo'windwaa daa'we niniwag wii mnang'deg miijim kina go ensa bebezhiig ezhi da'wen'dang.
- Kitchi kshkew'zing go wii niis'na'ming kina gegoo ezhi aan'ke nang'deg, dibishkoo naad ji zna'maagoong tesnog zhoonyaa, zhoonyaa gamigong, miinwaa noonch go ji yaam'waa'pa now'go'ying ezh'gaab'widjig zhoonyaa biin'daag'ning.

- Aanj'toong *Telecommunications Act* ooshmi wii zhi'se'yaad KinaDaa bemaad'zidjig wii giik'nam'waad, wii aanj'too'waad maage wii ngo'too'waad biindige'yaab'biisingmiinwaa giigidoo biiyaap'koonhsing wiibwaa kitchi aanke dba'ge'yaad.
- Aan'kes'doong wenpash miinwaa e'deg'shkitchigaadeg zhoonyaa gamig z gag'sidoong zhoonyaa miinwaa gibaa'ko'ming gegoo tesnog zhoonyaa zhoonyaa'gamigoong ji nang'deg'ba gweta mdaaswaabig.
- Jib'doong dash owe kshkew'zii'win wii mshkoo'si'doong owe wii naachi'geng dash KinaDaa bemaad'zidjig jii'wii naachige'yaad noonh gonaa mena engindeg.
- Mchaa'toong ooshmi oo'we Local Food Infrastructure Fund wii chigaa'deg Ngodwaas'we shi ziizh nching, shi zhaangswi nching shi mdaaswaag nching, shi mdaaswaag nching, shi mdaaswaag nching shi mdaaswaag nching (\$62.9 million) ooshmi go nsa bibon wii naadmoowind'waa ooden'wising eyaadjig mzoowe KinaDaa miijim ezhi sawesh'kaag, miinwaa wii naad'moo'wind'waa Anishinaabeg miinwaa giuwe Mak'edew'zhe'jig miinwaa go giuwe aanind ge naad'maa'gaaz'waa'paa.

Kshkew'ziiwin Maajiishkaawin Ensa Aankeshkaajig

- Mshkoo'si'doong KinaDaa Gaawii Jida Go zhi Kendaaswin chigaadewg zhiwe Nizhing nching ngoodwaag, shi ngodwaag nching, shi ngodwaag nching, shi ngowaag nching, shi ngowaag nching wii maajii'shkaach'gaadeg shki Mjimenjigan Compute Access Fund and Canadian Sovereign Compute Strategy wii naadmoowindwaa KinaDaa e'da'kenj'gejjig, maaj'taa'win miinwaa wii bishkaam'gag nakii'winan wii naad'maag'waad wii maa'nenji'ge'yaad.
- Wen'big naad'mo'wind'waa nak'iiwinan wii gi'ji'bi' mo'waad kina go en'gindeg gazhi maawn'ji'chige'yaat ezhi noozwin'kaaz'waat, mjimenjigan nakii'yonhsan eyaam'waat wii giik'shkaa'aat ooshmi wani zhiwebag waabang.
- Baawk'nam'windwaa nadmadwin gonda ekinoomaa'gaazjig, miinwaa enda'kenjigedjig, bekish go Anishinaabe enda'kenjigedjig, wii giik'nam'wind'waa zhiwe zhawendiiwin tinow nadmadwin.
- Giik'nam'wind'waa wii biindige'yaad gonda waa bi yaad'jig wii kitchi kinoomaadwining wii'nji kinoomawindwaa chi'gaa'de minig Niizhwaag shi niimdana shi niizh shi nshwaaswe shi ngodwaag nching, shi ngodwaag nching, shi ngodwaag nching, shi ngodwaag nching pi ani nsa baboon minig.
- Maajiish'kaatoong Naani Ngodwaag nching, shi ngodwaag, shi ngodwaag nching, shi ngodwaag nching (\$5 billion) Indigenous Loan Guarantee Program wii nsaawk'seg waa jib'doo'waat waa zhi maaj'taang zhinda Anishinaabe ood'en'wising ga'yenwaa wii wii'doo'kaaz'waat wii kshkew'zi'waat ezhi kshki'too'waat.
- Deb'na'ming Zhaangswi shi nswi shi ngodwaag nching, shi ngowaag nching, shi ngowaag nching, shi ngodwaag nching (\$93 billion) zha'wen'diiwinan waa na'kaa'zang wii maawn'ji'chi'geng, ezhi ntam'gaab'wi'yaat, wii mina maajiish'kaa'waad, wii mina gaabwing zhinda KinaDaa nakiiwinan miinwaa gonda waa aank'shkaajig wii nakii'yaad.
- Shki mdaaswe minig nching shi ngodwaag engin'deg Waas'mowin Daaban wii zhi'seg zha'wend'win giuwe genwend'gig maanda wii'aanke'seg miinwaa niwe engindeg nakii gamigon. .
- Mina daap'na'ming a'bi'naa'gwag mide zhichige'winan wii aanji'chigaadeg maanda Clean Fuels Fund wii miig'weng zhoonyaa, we'wiip miinwaa wii giik'na'ming maanda miigwe'win naana biboon minig piinish 2029-30.